

26. maj

Siunnersuut uunga: Inatsisartut Suleriaasiata allanngortinneqarnera. (Apeqquteqaat aallaavigalugu oqallinnermut atatillugu Inatsisartut oqaaseqaatissaannut siunnersuuteqartarneq, kukkunermit iluarsineq tamatumalu malitsigisaanik allanngortitsineq)
(Inatsisartut Siulittaasoqarfiat).

Inatsisartut suleriaasiata allanngortinneqarneranut siunnersuut pillugu Siumumiik imaattumik oqaaseqaateqassuugut.

2015 – mi upernaakkut Inatsisartut ataatsimiinneranni suleriaatsimut allannguutissatut siunnersuut annertoq oqallisigaarput akuersissutigalugulu, kisiannili paasineqarluni siunnersuut ataasiakkaanik kukkuneqartoq.

Allannguutit, naleqqussaanerit taamatuttaarlu Kukkunerit annikittut maannakkut iluarsillugit suliat saqqummiunneqarput, taamatullu isikkoqartillugit aappassaaneernejarnissaannik Siumumiik akuersissutigineqassasut inassutigaarput.

Nikolaj Jeremiassen
Siumut